

Gvangjsih Minzcuz Bau

广西民族报 ganhhau: CN45-0036 B.2021 Nd.4 Ng.28 liggaeuq sincouj nienz ndwensam cibcaet

Baihguenjbanh:

Gvangjsih Bouxcuengh Swcigh
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3471 geiz
Geiz neix 8 banj

Siz Ginbingz Daengz Gvangjsih Cazrox Caeuq Naemjngeix Le Naeuz Laemxsim Guh Cunghgoz Gwzming Cij Baenzsaeh

4 nyied 25 hauh banhaet, Siz Ginbingz cungjsuhgi daeuj daengz Gvangjsih Gveilnz Si Cenzcouh Yen Caizvanh Cin, daengz Gizdieg Geiq-niemh Hungzginh Cangzcwngh Hoenx Ciengz Ciengq Sienghgyangh, naek-cingz siengjniemh boux gwzming lezsw, laebdaeb cieplawed cing-saenz boux gungcanjdangj. Cieplaeng, Siz Ginbingz daengz Caizvanh Cin Mauzcuzsanh Cunh, cazrox gij hong-saeh doinyoengx guhhoengh lajmbanj,

guenjieix caengzdaeij daengj baenz-lawz yiengh. Ngoenzde lajbyonghngoenz, Siz Ginbingz daengz dieg cazyawj Dah Lizgyangh duenh Yangz-soz rox hongsaeh cunghab guenjieix, henhoh swnghdai ranghdieg Dah Lizgyangh guh ndaej baenzlawz yiengh.

Youq mwh ngonzyawj Gizdieg Geiqniemh Hungzginh Cangzcwngh Hoenx Ciengz Ciengq Sienghgyangh, Siz Ginbingz naeuz, Ciengz Ciengq Sienghgyangh dwg Hungzginh Cangz-

cwngh ndawde ciengz ciengq vut mingh buek hoenx ndeu, dwg gienhsaeh lizsij youqgaenj ndeu, ndaej satdingh Cunghgoz gwzming dai rox lix. Gyoengq guenbing Hungzginh mbouj lau daimingh, dai lix cungj buek, cung bae fozfoz, laemxsim mbouj bienq cij baenzsaeh. Vihmaz Cunghgoz gwzming ndaej baenzsaeh? Aen dauhleix raeblaeng de couh dwg miz aen siengjmuengh gwzming sang gvaq mbwn bae, youq mwh cieq

hojguh dingj guh mbouj cuengqfwngz, baenzneix guh cij ndaejhingz ngeix hix ngeix mbouj daengz. Raeuz guh hongsaeh hawj gij dajsuenq youq bak bi laeng buekguh, hawj Cunghvaz Minzcuz fukhwng hungmbwk ndaej baenzsaeh, wnggai laemxsim saengq hingzdingh. Caiq hojguh, cungj ngeix yawj Hungzginh Cangzcwngh, ngeix yawj Ciengz Ciengq Sienghgyangh.

(Cangh Yaujsungh Cuh Gihcaih raiz Giz Bungz ingi)



Gvangjsih: "Sam Nyied Sam Bouxcuengh" Ok Bingzdaiz Moq Hawj Gak Cuz Lai Caezhoz

Youh daengz bi baez "sam nyied sam Bouxcuengh". Youq seizcin doxiu, Gvangjsih gak dieg guh lai cungj lai yiengh hozdung, boux hekyouz ndaw-gih caiq daengz daengx guek, rogguek gyonj daeuj lailai, maez youq gizneix, vunz cien vunz fanh caez eu hot fwen daih doxcomz, daih caezangq, daih caezhoz, daih hwngfat.

Siz Ginbingz cungjsuhgi miz vah dawznaek, "hawj gak cuz lai caezhoz aeu miz bingzdaiz caeuq banhfap moq". Swcigh Dangjveij, Cwngfuj vihliux hengz caez aen hwngfat leixniemh moq, ok bingzdaiz caeuq banhfap moq hawj gak cuz lai caezhoz, couh dawz aen ciet "sam nyied sam Bouxcuengh" bonj dwg ciet ndawbiengz neix yaeuqhwngj baenz

aen ciet fapdingh, banh baenzroix hozdung "sam nyied sam bouxcuengh • aen ciet hoengh Gvangjsih", baenzneix guh ndeileih gak minzcuz doxbaedaug doxdoeng doxcaemh, mboujdan ndeileih vunzlai ciepcienz caeuq fatyengz gij vwnzva geq ndeindet Cunghvaz Minzcuz, youh lai ndeileih hongsaeh dingj hawj vunzlai cungj nyinh dwg aen Cunghvaz Minzcuz ndeu.

Guh ciet geq mboujdan aeu ciepcienz vwnzva geq, caiqlij mbouj duenh cauhoq, supyinx lai lai vunz daegbied lai sup bouxcoz caemh guh. Geij bi doxgyawj neix, "sam nyied sam Bouxcuengh" laebdaeb gyalai ok banhfap cienzboq, gyalai miz doxgaiq seizdaih, hawj ban bouxcoz sim riengz

caemh guh. "Daxmeh heuh gou dauqbae eu fwen lo, mboujnex mbanj dou couh saw lo." Gwnz vangj miz gij coenz mizyinx neix, dwg gij vah cieq ngamj gangj cingcuq le ban bouxcoz ndawsim gag nyinh caeuq gyaemzmaij "sam nyied sam Bouxcuengh".

Bineix, "sam nyied sam Bouxcuengh • aen ciet hoengh Gvangjsih" ndaej hawj daengx Gvangjsih 5700 fanh vunz daih doxcomz guh' angq. Gyoengqvunz gak cuz daenj ndangdaenj minzcuz, eu fwen goksasa, roq gyong youh roq laz, langhbaij gij yienghsiengq moq Gvangjsih dieg ndei baenzyouq, gyaenz hek maij hek, caezhoz doxngamj.

(ciuq Gvangjsih Yizbau)

SIUSIK DINJ

● Mboengqneix, Swcigh Caizcwnghdingh lwnh vunzlai, bineix geiqdoh daihit, gih raeuz gungh roengz 627 ik maenz, dangq gij cienzngaenz caizcwngh Swcigh Cwngfuj vih vunzlai guh saehsaed, roengz 88.74% gvaq, neix bauj ndaej hwnjmax guh aen gunghcwnghz vih vunzlai guh saehsaed.

(Cauh Hungzmeiz)

● Ciuq vunz gyoep-suenq, 4 nyied 14 daengz 17 hauh, Lungzswng ciepdaih hekyouz 10.59 fanh vunzbaez, lijyouz siuyungh bae 1578.74 fanh maenz, aen hawciengz vwnzva lijyouz dauqfuk ndei moq.

(Se Yungjai)

● Suenq daengz dangqnaj, Bujbwz Yen roengz 5505 fanh maenz haeuicoengh 43 aen hanghmoeg cunh cizdij ginghci nyomq, doinyoengx cunh cizdij ginghci ndaej hwngfat ndeindet.

(Banh Yinzfungh)

● Mboengqneix, Laizbinh Si Gyauidungh Yinsuh Giz lwnh vunzlai, 1 daengz 3 nyied, aen si neix roengz gvaq 37.5 ik maenz guh gij sesih giekdaj gyaudoeng, guhsat daengx bi yinvu 34.09%.

(Mungz Cinvangz)